

## Hercegovačko-neretvanskog kantona

turističkom mjestu izvan svog prebivališta, u smislu člana 2. ove Uredbe, nadzor nad naplatom i uplatom boravišne takse, kao i nadzor nad raspoređivanjem sredstava boravišne takse iz člana 10. ove Uredbe obavljaju kantonalni i općinski organi uprave nadležani za inspeksijske poslove u HNK i Porezna uprava Federacije Bosne i Hercegovine, svako u okviru svojih nadležnosti utvrđenih propisima.

Obaveznici plaćanja boravišne takse dužni su podnijeti godišnju prijavu nadležnoj ispostavi Porezne uprave Federacije Bosne i Hercegovine, prema sjedištu obaveznika, do 28. februara tekuće godine za prethodnu godinu, a u skladu sa odredbama Zakona o Poreznoj upravi Federacije Bosne i Hercegovine i Pravilniku o podnošenju prijava.

Prinudna naplata se sprovodi po propisima o naplati poreza i doprinosa.

Pravna ili fizička lica koja pružaju usluge noćenja u smještajnim objektima odnosno korištenje veza u luci nautičkog turizma, te vlasnicima iz člana 3. ove Uredbe koji u propisanom roku turističkoj zajednici kantona ne uplate sredstva boravišne takse, nadležni inspektor rješenjem će naložiti da sredstva boravišne takse uplate turističkoj zajednici Hercegovačko-neretvanskog kantona.

## Član 16.

Novčanom kaznom od 700,00 do 7.000,00 KM, kazniće se za prekršaj pravno lice koje pruža usluge noćenja u smještajnom objektu odnosno korištenja veza u luci nautičkog turizma, organizator grupnog putovanja-agencija, ako:

1. u svakom pojedinačnom slučaju ne naplati boravišnu taksu istodobno s naplatom noćenja u smještajnom objektu odnosno korištenja veza u luci nautičkog turizma i iznos boravišne takse posebno ne naznači u računu, te ako sredstva boravišne takse ne doznači u roku od tri dana nakon naplate računa, a najkasnije u roku od sedam dana po pruženoj usluzi (član 13.),
2. boravišnu taksu ne uplati u roku od pet dana po isteku svake sedmice na račun turističke zajednice kantona (član 14. stav 1.),
3. ne prijavi boravak građanina koji koristi usluge noćenja u smještajnom objektu u skladu sa članom 12. stav 1. ove Uredbe.
4. ne podnese godišnju prijavu nadležnoj ispostavi Porezne uprave Federacije Bosne i Hercegovine (član 15. stav 2.)

Novčanom kaznom od 200,00 do 2.000,00 KM, kazniće se odgovorno lice u pravnom licu za prekršaj iz stava 1. ovog člana.

Fizičko lice koje pruža usluge noćenja u smještajnom objektu, odnosno korištenje veza u luci nautičkog turizma, za prekršaj iz stava 1. ovog člana kazniće se novčanom kaznom od 100,00 do 1.000,00 KM.

## Član 17.

Novčanom kaznom od 50,00 do 250,00 KM kaznit će se za prekršaj građanin u domaćinstvu koji paušalni iznos boravišne takse nije uplatio na uplatni račun turističke zajednice kantona do 31. jula, odnosno 30. septembra tekuće godine (član 7. stav 4.)

## Član 18.

Ova Uredba stupa na snagu danom donošenja, a objavit će se u "Službenim novinama Hercegovačko-neretvanskog kantona".

Bosna i Hercegovina  
Federacija Bosne i Hercegovine  
HERCEGOVAČKO-NERETVANSKI KANTON  
V L A D A

Broj: 01-1-02-1377/10  
Mostar, 15.7.2010. godine

P R E D S J E D N I K  
Srećko Boras, s.r.

## 307

Na osnovu člana 16. stav 1. i člana 17. stav 1. Zakona o Vladi Hercegovačko-neretvanskog kantona ("Službene novine HNK", broj: 3/07 i 5/09) i člana 51. stav 3. Zakona o turističkim zajednicama i unapređenju turizma u Hercegovačko-neretvanskom kantonu ("Službene novine HNK", broj: 5/00), Vlada Hercegovačko-neretvanskog kantona je na nastavku 56. sjednice održanom 15.07.2010. godine 2010. godine, donijela

## U R E D B U

### O ČLANARINAMA U TURISTIČKIM ZAJEDNICAMA HNK

## Član 1.

Ovom Uredbom utvrđuju se: kriteriji za razvrstavanje turističkih mjesta u razrede, raspoređivanje članarine, skupine privrednih djelatnosti i postoci po kojima se obračunava i plaća članarina turističkoj zajednici, rokovi za uplatu članarine, kao i nadzor nad naplatom članarine.

## Hercegovačko-neretvanskog kantona

## Član 2.

Turistička mjesta u Hercegovačko-neretvanskom kantonu po svome značaju za turizam razvrstavaju se u razrede na osnovu službenih statističkih podataka prema slijedećim pokazateljima:

1. trogodišnjem prosjeku ostvarenog broja turističkih noćenja u turističkom mjestu (broj noćenja),
2. broju turističkih noćenja iz stava 1. tačka 1. ovog člana po stanovniku turističkog mjesta (koeficijent intenziteta turističkog prometa),
3. ukupnoj vrijednosti prometa u ugostiteljskoj djelatnosti po stanovniku mjesta (koeficijent specifičnog prometa).

Vrijednost pokazatelja iz stava 1. tačke 1. ovog člana izračunava se iz broja noćenja u tri uzastopne kalendarske godine koje su neposredno prethodile godini u kojoj se obavlja izračunavanje.

Vrijednost pokazatelja iz stava 1. tačke 3. ovog člana izračunava se na osnovu podataka za posljednju godinu koja prethodi godini u kojoj se obavlja izračunavanje.

Broj stanovnika iz stava 1. tačaka 2. i 3. ovog člana izračunava se na osnovu podataka za posljednju godinu koja prethodi godini u kojoj se obavlja izračunavanje.

## Član 3.

Prema pokazateljima iz člana 2. ove Uredbe, turistička mjesta razvrstavaju se u razrede: A, B, C i D.

Pravilnik o proglašenju i razvrstavanju turističkih mjesta u razrede donosi kantonalni ministar nadležan za poslove iz oblasti turizma u HNK (u daljnjem tekstu: ministar).

## Član 4.

Turističko mjesto razvrstava se u razred A, ako njegove pojedinačne vrijednosti pokazatelja (član 2. stav 1. tačke 1., 2. i 3.), prelaze najmanje dvije od tri granične vrijednosti pokazatelja.

Granične vrijednosti pokazatelja za razvrstavanje u razred A su:

- a) trostruka srednja vrijednost pokazatelja iz člana 2. stav 1. tačka 1. ove Uredbe;
- b) dvostruka srednja vrijednost pokazatelja iz člana 2. stav 1. tačka 2. ove Uredbe;
- c) 50% veća srednja vrijednost pokazatelja iz člana 2. stav 1. tačka 3. ove Uredbe.

## Član 5.

Turističko mjesto razvrstava se u razred B ako njegove pojedinačne vrijednosti pokazatelja (član 2.

stav 1. tačke 1., 2. i 3.), prelaze najmanje dvije od tri granične vrijednosti pokazatelja.

Granične vrijednosti pokazatelja za razvrstavanje u razred B su:

- a) dvostruka srednja vrijednost pokazatelja iz člana 2. stav 1. tačka 1. ove Uredbe;
- b) dvostruka srednja vrijednost pokazatelja iz člana 2. stav 1. tačka 2. ove Uredbe;
- c) srednja vrijednost pokazatelja iz člana 2. stav 1. tačka 3. ove Uredbe.

## Član 6.

Turističko mjesto razvrstava se u razred C ako njegove pojedinačne vrijednosti pokazatelja prelaze 50% srednjih vrijednosti pokazatelja iz člana 2. stav 1. tačke 1., 2. i 3. ove Uredbe.

## Član 7.

Turističko mjesto razvrstava se u razred D ako njegove pojedinačne vrijednosti pokazatelja ne prelaze 50% srednjih vrijednosti pokazatelja iz člana 2. stav 1. tačke 1., 2. i 3. ove Uredbe.

## Član 8.

Srednja vrijednost pokazatelja utvrđuje se na način da se vrijednosti pokazatelja svih turističkih mjesta poredaju po veličini u niz posebno za svaki od pokazatelja iz člana 2. stav 1. tačke 1., 2. i 3. ove Uredbe nakon čega se za svaki niz izračunava medijan.

Medijani iz stava 1. ovog člana predstavljaju srednje vrijednosti pokazatelja.

## Član 9.

Turistička zajednica kantona može predložiti kantonalnom ministarstvu nadležnom za poslove turizma u HNK, da se turističko mjesto, koje je već razvrstano u razred A, B, C ili D, razvrstava u slijedeći viši ili niži razred ako su u mjestu nastale promjene u obimu i kvaliteti turističke ponude.

O prijedlogu iz stava 1. ovog člana, odlučuje ministar po prethodno pribavljenom mišljenju turističke zajednice kantona.

## Član 10.

Visina članarine koju plaća pravno i fizičko lice kao obavezni član turističke zajednice zavisi:

- o razredu turističkog mjesta gdje je sjedište ili poslovna jedinica pravnog lica,
- o pripadnosti pravnom ili fizičkom licu,
- o stopi na ukupan prihod utvrđenoj ovom Uredbom.

## Hercegovačko-neretvanskog kantona

Ako pravno i fizičko lice obavlja više djelatnosti na kojima se zasniva obaveza plaćanja članarine turističkoj zajednici iz člana 11. ove Uredbe, članarinu će platiti na ukupan prihod primjenom stope propisane za djelatnost koju pravno i fizičko lice obavlja u većem obimu u odnosu na ostale djelatnosti za koje je upisano u registar društava ili prema standardnoj klasifikaciji djelatnosti, odnosno prema odobrenju nadležnog organa.

**Član 11.**

Članarinu turističkoj zajednici dužno je plaćati pravno lice koje obavlja djelatnost iz Odluke o standardnoj klasifikaciji djelatnosti u Federaciji Bosne i Hercegovine ("Službene novine Federacije BiH", broj 28/98), iz šifre 40 Proizvodnja i snabdijevanje električnom energijom, gasom, parom i toplom vodom, 50 Trgovina motornim vozilima i motociklima, održavanje i popravak motornih vozila i motocikla; Trgovina na malo motornim gorivima i mazivima, 51 Trgovina na veliko i posredovanje u trgovini, osim trgovine motornim vozilima i motociklima, 52 Trgovina na malo, osim trgovine motornim vozilima i motociklima; Popravak predmeta za ličnu upotrebu u domaćinstvu, 55 Ugostiteljstvo, 60 Kopneni promet; cjevovodni transport, 61 Pomorski i riječni promet, 62 Zračni promet, 63 Prateće i pomoćne djelatnosti u prometu; djelatnost putničkih agencija, 64 Pošta i telekomunikacije, 65 Finansijsko posredovanje, osim osiguranja i penzijskih fondova, 66.03 66.030 Ostalo osiguranje, 67.1367.130 Pomoćne djelatnosti povezane sa finansijskim posredovanjem (mjenjačnice, zalagaonice) 71 Iznajmljivanje mašina i opreme, bez rukovatelja; Iznajmljivanje predmeta za ličnu upotrebu i domaćinstvo, 74 Ostale poslovne djelatnosti (izuzev brojčane oznake 74.5), Agencije za zapošljavanje i posredovanje radne snage i 74.6 Djelatnost traženja izgubljenih osoba i zaštita), 92 Rekreativne, kulturne i sportske djelatnosti (izuzev brojčane oznake 92.6 Sportske djelatnosti), 93 Ostale uslužne djelatnosti (izuzev brojčane oznake 93.0493.040 Pogrebne i prateće djelatnosti).

Članarinu turističkoj zajednici dužno je plaćati i fizičko lice koje na osnovu rješenja nadležnog organa obavlja djelatnost iz stava 1. ovog člana.

**Član 12.**

Pravna i fizička lica iz člana 11. ove Uredbe plaćaju članarinu zavisno od razreda turističkog mjesta po slijedećim procentima:

## Razred turističkog mjesta

	A	B	C	D
Pravno lice	0,05	0,045	0,04	0,035
Fizičko lice	0,025	0,02	0,015	0,01

**Član 13.**

Osnovica za obračun članarine pravnom licu je ukupan prihod ostvaren u djelatnostima određenim članom 11. stav 1. ove Uredbe. Ukupan prihod u smislu ove Uredbe, čine svi prihodi koje je pravno lice dužno iskazati u računu dobiti i gubitka prema odredbama Zakona o računovodstvu ("Službene novine Federacije BiH", br. 2/95 i 12/98).

Osnovica iz stava 1. ovog člana utvrđuje se pojedinačno za svaku poslovnu jedinicu izvan sjedišta pravnog lica.

Prilikom obračuna turističke članarine osnovica iz stava 1. ovog člana utvrđuje se tako da se ukupan prihod pravnog lica umanjuje za ukupan prihod ostvaren u poslovnim jedinicama.

Osnovica za obračun članarine fizičkom licu je ukupan prihod ostvaren u djelatnostima određenim članom 11. ove Uredbe.

**Član 14.**

Pravno lice plaća članarinu turističkoj zajednici u kantonu u kojoj ima sjedište firme.

Pravno lice koje ima poslovnu jedinicu izvan sjedišta firme plaća dio članarine kantonima gdje poslovne jedinice imaju sjedište, srazmjerno učešću poslovne jedinice u ukupnom prometu pravnog lica.

Fizičko lice plaća članarinu prema sjedištu nadležnog organa koji je izdao odobrenje za obavljanje djelatnosti.

**Član 15.**

Pravna i fizička lica uplaćuju akontaciju članarine na račun pravnog lica ovlaštenog za obavljanje platnog prometa (u daljnjem tekstu: banke), do petog dana tekućeg mjeseca za prethodni mjesec.

Obaveznik iz stava 1. ovog člana, čiji godišnji iznos članarine prelazi 200 KM u odnosu na visinu obračunate članarine iz prethodne godine, akontaciju članarine uplaćuje mjesečno, a obaveznik, koji plaća godišnju članarinu manju od 200 KM, dužan je članarinu uplaćivati tromjesečno.

Uplaćena sredstva članarine, nakon odbitka troškova naplate banke, dostavljaju se korisnicima prema slijedećem rasporedu:

## Hercegovačko-neretvanskog kantona

1. 80% sredstava turističkoj zajednici kantona;
2. 20% sredstava Turističkoj zajednici Federacije BiH.

**Član 16.**

Turistička zajednica kantona je dužna ostvarena sredstva koja joj pripadaju od članarine turističkim zajednicama rasporediti na sljedeći način:

1. 45% za unapređenje turizma;
2. 10% namjenski za očuvanje, zaštitu i obnavljanje prirodnog nasljeđa i kulturno-historijsko nasljeđe i koji imaju turistički karakter i turistički potencijal

Sredstva iz stava 1. tačka 2. ovog člana raspoređuje se na osnovu programa i odluke koju donosi Vlada HNK, a na prijedlog kantonalnog ministarstva nadležnog za poslove iz oblasti turizma.

Prihodi ostvareni u stavu 1. tačka 2. ovog člana koristeće se prema programu koji utvrđuje Vlada HNK za narednu godinu, a na osnovu prikupljenih sredstava iz prethodne godine.

**Član 17.**

Obračun i naplata članarine turističkim zajednicama zastarijeva za pet godina po isteku godine u kojoj je nastala obaveza plaćanja članarine.

**Član 18.**

Nadzor nad naplatom članarine od pravnih i fizičkih lica obavljaju kantonalni i općinski organi uprave nadležni za inspeksijske poslove, svako u okviru svojih nadležnosti utvrđenih propisima.

**Član 19.**

Novčanom kaznom u iznosu od 700,00 KM do 7.000,00 KM kazniće se za prekršaj pravno lice ako:

- u propisanom roku ne uplati članarinu (član 15. st. 1. i 2.),

Novčanom kaznom u iznosu od 200,00 KM do 2.000,00 KM kazniće se za prekršaj iz stava 1. ovog člana i odgovorno lice u pravnom licu.

Novčanom kaznom u iznosu od 100 do 1.000 KM, kazniće se fizičko lice za prekršaj iz stava 1. ovog člana.

**Član 20.**

Ministar će propisati oblik i sadržaj obrasca za uplatu članarine u roku od 30 dana od dana stupanja na snagu ove Uredbe.

**Član 21.**

Ova Uredba stupa na snagu danom donošenja, a objavit će u "Službenim novinama HNK".

Bosna i Hercegovina  
 Federacija Bosne i Hercegovine  
 HERCEGOVAČKO-NERETVANSKI KANTON  
 VLADA

Broj: 01-1-02-1378/10  
 Mostar, 15.7.2010. godine

PREDSJEDNIK  
 Srećko Boras, s.r.

308

Na osnovu člana 16. stav 1. i člana 17. stav 2. Zakona o Vladi Hercegovačko-neretvanskog kantona („Službene novine HNK“, broj: 3/07 i 5/09), Vlada Hercegovačko-neretvanskog kantona je na nastavku 56. sjednice, održanom 15.7.2010. godine, donijela

**O D L U K U**  
**O DAVANJU SAGLASNOSTI**  
**MINISTARSTVU TRGOVINE, TURIZMA**  
**I ZAŠTITE OKOLIŠA ZA PROVOĐENJE**  
**PROCEDURE POPUNJAVANJA**  
**UPRAŽNJENIH RADNIH MJESTA**

I

Daje se saglasnost Ministarstvu trgovine, turizma i zaštite okoliša da u skladu s Pravilnikom o unutrašnjem uređenju Ministarstva trgovine, turizma i zaštite okoliša sa sistematizacijom radnih mjesta i Zakonom o državnoj službi u Federaciji BiH („Službene novine F BiH“, broj: 29/03, 23/04, 39/04, 54/04, 67/05 i 8/06) pokrene proceduru za popunjavanje upražnjenih radnih mjesta u Sektoru trgovine i to za:

1. pomoćnik ministra za trgovinu,
2. stručni saradnik za cijene i tržište prehrambenih i neprehrambenih proizvoda.

II

Sredstva za plaće državnih službenika iz tačke I ove Odluke planirana su u Budžetu HNK za 2010. godinu na poziciji Ministarstva trgovine, turizma i zaštite okoliša, organizaciona jedinica 35010001, ekonomski kod 611 000 „Izdaci za bruto plaće i naknade“.

III

Za realizaciju ove Odluke zadužuju se Ministarstvo trgovine, turizma i zaštite okoliša i Ministarstvo finansija.